



Kamis, 21 November 2024
Ogen: Kejadin 30:9-15



"Nembeh Man Senina"



Rahel sekalak diberu si mejile ras ngena ate Jakup. Nggit Jakub erdahin 7 tahun gelah banci empoina Rahel, tapi mamana Laban mereken Lea man jadi ndehara Jakup. Kenca si e maka Rahel banci iempoi Jakup. Cian ate Rahel sabap leben Lea natang tuah, anakna me denggo jadi anak sintua si ngaloken hak tading-tadingen bapana. Duana ia sisaingen gelah ndatken perhatian Jakup perbulangenna, padahal duana ia ersenina. Kekelengen manusia banci jadi cukup rumit ras dem alu persaingan, cian ate ras ate nembeh. Hubungan kalak ersenina pe bage, ntah perban la seri pengidah orang tua, entahkin perban litna biak egois bas diri manusia erbahanca kalak si ersenina pe menukah la siangkan. Emaka kalak si ersenina arus rusur ertoto ras ngerana-ngerana ras. Persaingen guna ndatken perhatian arus reh benena rikutken pertambahan umur ras penandan kerna Kata Dibata. Sabap cari perhatian e, biak geluh egois e, bagin proses perkembangan danak-danak. Adi kalak dewasa tentuna lanai bage. Biak radu mperdiateken sada ras sidebanna, ngasup ngaloken kekurangan ras kelebihanen senina/turangta, em si arus jadi bas geluhta si gendek enda. Rencana Tuhan la si angka, tapi pasti mereken kemenangan man kerina pihak, ola kita sangsi kerna si enda.

Lea ras Rahel sisaingen ndatken anak si utama. Lea daten anak penggelaren, anak sintua bas jabu bapana, Ruben. Tapi Rahel, bas bertinna tubuh si Jusuf ras Benyamin. Jusuf me anak si suksesna, si kedungenna nelamatkan keluarga bas kesusahen si mesangat. Arah kesusuren Benyamin denggo reh raja si pemena i Israel, e me Saul. Duana kalak si ersenina enda ituahi Dibata alu cara si pelain-lain, tapi radu sangap, radu sikap adi Dibatalah erdahin. Ulanai nembeh man seninata ya..